

修訂日期: 2009/04/22 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 卍新纂續藏經 Vol. 59, No. 1052

原始資料: CBETA 人工輸入, CBETA 掃瞄辨識

## No. 1052

### 成就夢想法一卷

#### 大興善寺翻經院灌頂阿闍梨述(云云)

我今披見秘藏要文有成就夢想法為末世眾生故說是次第儀則於淨室中作一方壇隨意大小其壇中辦備供物謂香花油燈飲食菓子蘇蜜歡喜團等如是種種不可具說隨時取新者用之。

次說勸請法曰。

我今勸請佛眼尊	文殊妙幢諸眷屬
北斗七曜九執等	二十八宿十二宮
十二天王二六神	諸龍藥叉羅刹等
山王河王大樹王	所有十方大善神
不越勸請淨心力	降臨影向受妙具
護持某甲除不祥	成就好夢與諸願

次說大鈎召呪曰(內縛右風招之)。

歸命惡薩縛怛羅鉢羅底賀帝怛他誡黨矩奢[日/月]地泚哩也鉢哩布羅迦耶娑婆賀(引)  
若有眾生誦此呪時一切聖眾天龍鬼神皆隨喜來詣。

復次說成就好夢法禮北方而作是念言。

我今歸依佛法僧	文殊妙幢北斗星
十二天王諸星宿	知見吉夢成所願

復次說真言曰。

唵(引)阿(引入惡聲)味(引)羅吽(引)佉左[口\*洛]

若有眾生得見好夢不得成就者由此教法念文殊師利菩薩及妙幢菩薩等若臥時誦一百八遍常得好夢能知善惡之事若有人得吉夢欲成就者加持飲食七遍食者不久得成就唯除思夢忙想來夢也。

復次誰思除滅惡夢法禮北斗方而作是念言。

我今歸依佛法僧	文殊妙幢北斗星
十二天王諸星宿	願除惡夢得善事

復次說真言曰。

唵瑟置哩(二合)迦攞嚕跛吽欠薩嚩(二合)呵

若有善男子善女人等得見惡夢不祥出現者以命木作人形書彼那麼加持七遍三日終竟彼人形置山野及大河邊不祥消滅心神安樂若有人常得吉夢如是不修行者不得久成就乃至消滅雖見惡夢如是修行者不應還成吉事又取白線作索呪二十一結繫身出入三度惡夢不應。

復次說供養真言曰(金剛合掌二風寶形)。

唵阿謨佉布惹麼柅跛納麼嚩曰[(止/示)\*余]怛他藥多尾路枳帝三滿多鉢羅薩羅吽  
若有眾生誦此真言供養三寶時流出無量供養雲海供養一切聖眾。

復次說施食呪曰(右手以空摩火甲三兩反餘三指直之又空風彈指作聲一誦一彈七返)。

曩莫薩縛怛他藥哆縛嚕枳帝唵三婆羅三婆羅吽

若有人以此呪加持飲食施與一切天龍藥叉羅剎婆等山王海王河王大樹王一切諸鬼神等各各皆得摩伽陀國所用斗七七斛食皆悉飽滿。

次發遣頌曰。

唯願聖眾 并諸眷屬 加持某甲  
還歸大宮

### 成就夢想法一卷

保延六年正月十八日書寫之移點了

嘉祿元年六月三日奉隨日光房僧都御房於堀川壇所奉受了 圓俊記之

文永元年六月二十八日奉寫之 繁承記

同七月十一日奉從修月房僧都御房奉受云了

繁承

同十八日以或本見合加墨點了